

I. DISPOSICIÓN XERAIS

Consellería da Presidencia e Administración Pública

Decreto 195/1991, do 30 de maio, polo que se modifica o regulamento de organización e funcionamento do Consello de Comunidades Galegas.

En desenvolvemento da Lei 4/1983, do 15 de xuño, de recoñecemento da galegitude, publicouse o Decreto 4/1987, do 8 de xaneiro, polo que se aproba o Regulamento de organización e funcionamento do Consello de Comunidades Galegas, órgano este previsto na citada lei como representativo das comunidades galegas asentadas fóra de Galicia. Tratou este regulamento de preve-lo réxime de organización, funcionamento e adopción de acordos do referido consello.

Polo Decreto 443/1987, do 26 de novembro, modifícase o dito regulamento cos obxectivos de adecua-la composición do consello á, daquela, nova estrutura das consellerías da Administración autonómica así como co fin de concreta-la súa presidencia no propio presidente da Xunta de Galicia, dotando así ó consello da máis alta representación institucional da Comunidade Autónoma.

Neste momento volven confluír diversas razóns de natureza xurídica tales como a aprobación da nova estrutura da Xunta de Galicia e dos seus departamentos operada polo Decreto 12/1990, do 5 de febreiro, e polo 15/1990, do 6 de febreiro, así como a nova configuración do centro directivo encargado dos residentes galegos no exterior, dependendo funcionalmente do presidente da Xunta de Galicia. Estas razóns xunto coa intención de establecer un procedemento concreto no relativo á convocatoria e publicidade dos órganos mediante os que actúa o Consello de Comunidades Galegas, veñen aconsella-la modificación aquí pretendida. Ademais, xúlgase oportuno, por que así se desprende do espírito do artigo 7 do Estatuto de autonomía para Galicia e da citada Lei 1/1983, do 15 de xuño, que o desenvolve, amplia-lo Consello de Comunidades Galegas, de forma en todo caso excepcional, a aquelas nas que haxa unha maioritaria presenza de galegos, así como preve-la posibilidade de que estas poidan acceder a beneficios que a Administración autonómica lles concede ás comunidades galegas. Todo isto, non obstante, faráse de forma motivada e con base no impacto social e cultural daquelas comunidades no exterior.

Na súa virtude, por proposta do conselleiro da Presidencia e Administración Pública e logo da deliberación do Consello da Xunta de Galicia na súa reunión do día trinta de maio de mil novecentos noventa e un,

DISPOÑO:

Artigo único.

Os artigos 2, 4 parágrafo último, 8 e 10 parágrafo segundo do Decreto 4/1987, do 8 de xaneiro, polo que se aproba o Regulamento de organización e funciona-

mento do Consello de Comunidades Galegas quedarán redactados do seguinte xeito:

«Artigo 2.º

1.—Compoñen o Consello de Comunidades Galegas:

Presidente:

—O presidente da Xunta de Galicia.

Vocais:

—Os conselleiros da Presidencia e Administración Pública, de Educación e Ordenación Universitaria, de Industria e Comercio, de Traballo e Servicios Sociais, de Cultura e Xuventude e de Sanidade, que poderán delegar no secretario xeral técnico ou nun director xeral da súa consellería.

—Un representante do Consello da Cultura Galega.

—Un representante de cada unha das tres universidades galegas.

—Un representante por cada unha das comunidades inscritas no Rexistro de Comunidades Galegas.

—Así mesmo forman parte do consello os secretarios xerais para as Relacións coas Comunidades Galegas, para o Deporte e para o Turismo.

2.—Participará nas sesións do Pleno do consello un representante de cada unha das comunidades de residentes no exterior nas que exista unha presenza maioritaria de galegos.

Cada representante deberá posuír unha acreditación habilitante expedida pola Secretaría Xeral para as Relacións coas Comunidades Galegas mediante resolución motivada.

3.—Poderanse incorporar ás sesións do Pleno do consello, con voz pero sen voto, aquelas persoas que o presidente do consello xulgue oportuno que asistan pola súa destacada personalidade ou relevancia nos ámbitos social e cultural de Galicia.

4.—Actuará como secretario do consello, con voz pero sen voto, un funcionario nomeado polo secretario xeral para as Relacións coas Comunidades Galegas.

Artigo 4.º —Último parágrafo.

Aproba-la orde do día das sesións do Pleno, na que se poderán incluír os temas aceptados por un tercio dos asistentes. As convocatorias serán publicadas no *Diario Oficial de Galicia* mediante resolución da Secretaría Xeral para as Relacións coas Comunidades Galegas.

Artigo 8.º

1.—A comisión estará composta por:

—O presidente da Xunta de Galicia.

—O secretario xeral para as Relacións coas Comunidades Galegas.

—Catro vocais representantes dos centros de España inscritos no Rexistro de Comunidades Galegas.

—Catro vocais representantes dos centros do resto de Europa inscritos no Rexistro de Comunidades Galegas.

—Catro vocais representantes dos centros de América inscritos no Rexistro de Comunidades Galegas.

2.—Actuará como presidente da comisión o presidente da Xunta de Galicia ou, se é o caso, o secretario xeral para as Relacións coas Comunidades Galegas e como secretario, con voz pero sen voto, un funcionario nomeado polo citado secretario xeral.

3.—A orde do día e a convocatoria da comisión delegada será fixada, logo de conformidade do presidente da Xunta de Galicia, polo secretario xeral para as Relacións coas Comunidades Galegas mediante resolución publicada no *Diario Oficial de Galicia*.

Artigo 10.º —Parágrafo segundo.

Someter á aprobación do presidente aqueles asuntos que os membros da Comisión consideren que deben ser incluídos na orde do día, tanto do Pleno como da comisión delegada».

DISPOSICIÓN ADICIONAL

As comunidades de residentes no exterior nas que a presenza de galegos sexa maioritaria poderán, excepcionalmente, acceder a beneficios que ó abeiro da Lei de recoñecemento da galegitude outorgue a Administración autonómica, sempre que contén coa resolución aprobatoria motivada da Secretaría Xeral para as Relacións coas Comunidades Galegas.

DISPOSICIÓN TRANSITORIA

O previsto neste decreto non será de aplicación á publicidade da convocatoria da comisión permanente do ano 1991.

DISPOSICIÓN DERROGATORIA

Queda derogado o Decreto 443/1987, do 26 de novembro, e calquera outra disposición de igual ou inferior categoría que se opoña ó presente decreto.

DISPOSICIÓN DERRADEIRA

O presente decreto entrará en vigor o día seguinte ó da súa publicación no *Diario Oficial de Galicia*.

Santiago de Compostela, trinta de maio de mil novecentos noventa e un.

Manuel Fraga Iribarne
Presidente

Dositeo Rodríguez Rodríguez
Conselleiro da Presidencia e Administración Pública

Consellería de Educación e Ordenación Universitaria

Orde do 29 de maio de 1991 pola que se aproba e publica o programa de literatura galega para o curso de orientación universitaria.

O Decreto 101/1982, do 11 de agosto (DOG do 18 de agosto), polo que se establece e regula o ensino da lingua e literatura galegas no curso de orientación universitaria, fundándose nos principios e disposicións que se invocan na súa motivación, prescribese no seu artigo terceiro que os programas de lingua e literatura galegas deberán desenvolverse de acordo cos contidos e normas que estableza a Consellería de Educación e Ordenación Universitaria.

Na súa virtude, vista a proposta da coordinadora de COU, logo da consulta e discusión co Seminario Permanente, esta Consellería de Educación e Ordenación Universitaria,

DISPÓN:

Artigo único: Aproba-los programas de literatura galega para o curso de orientación universitaria, que se publican como anexo.

DISPOSICIÓN DERROGATORIA

Queda derogado o anexo da resolución do 3 de decembro de 1982 (DOG do 17 de decembro), pola que se aproban e publican os programas de lingua e literatura galegas para o curso de orientación universitaria, no relativo á literatura galega.

DISPOSICIÓN DERRADEIRA

A presente orde entrará en vigor ó comezo do curso 1991-92.

Santiago de Compostela, 29 de maio de 1991.

Juan Piñeiro Permy
Conselleiro de Educación e Ordenación
Universitaria

Ilmo. Sr. Director Xeral de Ensinanzas Medias

ANEXO LITERATURA GALEGA COU

Marco programático e obxectivos da materia

En diferentes cursos do ensino xeral básico e do bacharelato, os alumnos tomaron contacto coa literatura galega. Agora en COU, parece necesario que afonden no século XX, a través de varias obras literarias.

Con este novo programa trátase de conseguir que todos os xéneros literarios da literatura galega do século XX estean representados e dar unha visión completa dos movementos literarios a través dos autores máis representativos. Excluíronse do programa aquelas obras